



TOLOSAKO  
UDALA

## GOBERNU BATZARRA

2018.11.12

**Alkatea:**

**Olatz Peon Ormazabal**

**Bertaratutako zinegotziak:**

**Patxi Amantegi Zubiria**

**Nerea Letamendia Belloso**

**Jokin Azkue Arrastoa**

**Iñigo Alonso Sarasibar**

**Idazkaria:**

**Begoña Garmendia Vazquez**

**Kontuhartzailea:**

**Ainhoa Molinos Zubiaurre**

Tolosako Udaletxean, bi mila eta hemezortziko azaroaren hamabian, 08:00etan, Tokiko Gobernu Batzarra bildu da ohiko bilera egiteko. Mahaiburua alkatea izan da, eta alboko zinegotziak agertu dira, eguneko gai-zerrenda aztertzeko.

1. Aurreko aktak onartzea.
2. Onartzea Tolosa C.F. Elkarteari diru-laguntza izenduna emateko hitzarmena.
3. Onartzea Azken Muga Kultur Elkarteari diru-laguntza izenduna emateko hitzarmena.
4. Kontratazio-espeditentea onartzea, Tolosako Bedaio auzoan, frontoiaren ondoko kalea berrurbanizatzeko obrak esleitzeko eta lizitazioari hasiera ematea.
5. 61/2018 faktura-zerrenda.

### **1. AURREKO AKTA ONARTZEA.**

Alkateak bilerari hasiera eman ondoren, 2018ko azaroaren 5ean egindako batzarreko akta aztertu dute. Batzarkideek aho batez onartu dute akta.

### **2. ONARTZEA TOLOSA C.F. ELKARTEARI DIRU-LAGUNTZA IZENDUNA EMATEKO HITZARMENA.**

2011ko martxoaren 31an Tolosako Udalak, Muñoa Fundazioak eta Tolosa C.F. klubak, lankidetza hitzarmena sinatu zuten, Berazubi estadioa, fase ezberdinetan, birgaitzeko eta



TOLOSAKO  
UDALA

erabilera publikoa emateko konpromisoarekin. Tolosako Udalak 2011ko martxoaren 29ko osoko bilkuran, Tolosa C.F. klubak 2011ko martxoko 24ko ezohiko batzar nagusian eta Miguel Muñoa ongile fundazioak barne batzarrean, aurretik onartu zuten hitzarmena.

Hitzarmeneko konpromisoen artean, bulegoen birgaitze obra lanen proiektua sartzen zen (2017rako aurreikusia). Aurreikusitako inbertsio kopurua gainditu egin da eta konpromisoari aurre egin ahal izateko, hain zuzen ere Udalak klubaren bulegoen egoitza eraberritzeko, ezinbestekoa da hitzarmenaren errebisioa.

Horrekin batera kontratu publikoen legearen aldaketak hitzarmenaren moldaketa eskatzen du.

2011eko hitzarmenak 1.eranskineko hirugarren atalean xedatzen zituen Tolosa C.F. klubarentzako konpentsazio ekonomikoak hitzarmen honetatik atera eta Tolosa C.F. kluba eta Udalaren arteko hitzarmen izendun batean gauzatuko dira. Honen harira, Tolosa C.F.ek, 2018ko uztailaren 18an, 5998 erregistro zenbakiarekin, eskaera egin dio Udalari, 2018an diru-laguntza izenduna jasotzeko.

Diru-laguntza bakarra jasoko luke elkarteak non txertatzen diren, Berazubi Estadioko futbol zelaiaren mantenua alde batetik, eta Klubaren egitura sendotu eta jarduera ezberdinak sustatzeko laguntza bestetik.

Tolosa C.F.en izaera berezia kontutan hartuz eta herritarrentzako interes publiko eta sozialeko jarduerak eskaini eta eskualdeko kirolaren erreferentea izanik, kirol elkarte honi, diru-laguntza izenduna emateko arrazoiak badaudela azpimarratzen du Tolosako Udalak. Hori horrela, Tolosako Udala eta Klubaren artean lankidetzak hitzarmen baten bidez, aldean konpromisoa adostuko da eta Tolosako Udalak hitzartutako jardueren finantzaketan parte hartuko du diru-laguntza izendunaren bidez.

Diru-laguntza hau lotuko da denboraldi bakoitzeko jarduerekin, denboraldi-epea kontsideratuz irailaren 1etik hurrengo urteko abuztuaren 31ra arteko tartea. Era berean futbol zelaiaren kudeaketari ere lotuko da.

Diru-laguntza honek xedatzen diren honako kopuruak izango ditu:

2017-2018 denboraldia.....	100.000€
2018-2019 denboraldia.....	100.000€
2019-2020 denboraldia.....	100.000€
2020-2021 denboraldia.....	100.000€



TOLOSAKO  
UDALA

Xede honetarako, Tolosako Udalak dagokion urteko aurrekontuetan beharrezkoak diren baliabide ekonomikoak gordeko ditu, Udal aurrekontuetako 1000.481.01.34100 partidaren kargura.

Hitzarmen proposamen honi aplikagarria zaio ondorengo arautegia, hain zuzen ere, 7/1985 Legeak, Toki Araubidearen Oinarriak arautzen dituenak, bere 25. artikuluan diona: "Udallerriak, bere interesak kudeatzeko eta bere eskumenen esparruan, auzo-erkidegoaren beharrak eta nahiak betetzen lagundu dezaketen jarduera-mota guztiak bultzatu eta nahi adina zerbitzu publiko egin ditzake.

Lege horren 25.2 artikulua, udalen eskumenen artean, eskumen hau jasotzen duela: kirol sustapena eta kirol ekipamendua arloko eskumena.

Era berean, 2/2016 Legeak, apirilaren 7koak, Euskadiko Toki Erakundeei buruzkoak, bere 17. artikuluan, udalerrien eskumen propioak zeintzuk diren aipatzen ditu, horien artean 25. atalean, kirola eta kirolari buruzko ekipamenduari buruzko politikak sustatzea dagoelarik Horretarako, euskal administrazio publikoek, koordinazioko eta lankidetzako, gizarte-ekimenaren sustapeneko eta baliabideen aprobeixamendu osoko, arrazional eta eraginkorreko printzipioak aplikatuz, egoki gertatzen denetan, gizarte-ekimen pribatuak garatzen dituen gaitasunak eta baliabideak aprobeixatzen ahaleginduko dira.

Hitzarmen hau ematen dela lege-arau hauen babesean: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Diru-laguntzei buruzko lege orokorra eta 887/2006 Errege Dekretua, azaroaren 21ekoa, hura garatzen duen Erregelamendua onartzen duena; eta Tolosako Udalaren eta bere Erakunde Publikoen Diru-laguntzen Ordenantza Orokorra.

Horrenbestez, egiaztatu da Tolosa C.F. elkarteak Eusko Jaurlaritzaren kirol elkarten erregistroan dagoela eta klubaren xedea bat datorrela hitzarmen honen bidez emango den diru-laguntzaren xede eta helbururekin.

Horri horrela, udal teknikariak egindako proposamena aztertu ondoren eta Udala Kontuhartzaileak egindako txostenean jasotakoa kontutuan izanik, Gobernu Batzar honek, aho batez eta alkateak emandako ahalmenez baliatuta,



## ERABAKI DU

**LEHENA.-** Onartzea Tolosa C-F-i 2018an, udal aurrekontuetako 1000.481.01.34100 partidaren kargura, 100.000 €-ko diru-laguntza izenduna emateko hitzarmena, klausula hauen arabera:

### **Lehena: Xedea**

Aurrekari hauek kontutan izanik hitzarmen honen helburua da Tolosako Udalaren eta **Tolosa C.F. elkartearen** arteko lankidetzarako eremu egonkor bat ezartzea Tolosako udalerraren barruan.

Udalaren eta **Tolosa C.F. elkartearen** arteko lankidetzara arautzea, bi alderdien interesa asebetetz, klubak bere sekzio ezberdinen bidez kirol modalitate ugari sustatu eta garatzeaz gain, errendimenduko ibilbidean ahalik eta emaitza hoberenak lortzea du helburu. Era berean, futbol zelaiaren urteko zaintza eta mantenua egingo ditu, unean uneko beharrei erantzunez eta horretarako behar diren baliabideak klubak jarri beharko ditu.

### **Bigarrena: Diruz lagundutako jardueren finantziazioa.**

Tolosa C.F.-ren izaera berezia kontutan hartuz eta herritarrentzako interes publiko eta sozialeko jarduerak eskaini eta eskualdeko kirolaren erreferentzia izanik, kirol elkarte honi diru-laguntza izenduna emateko arrazoiak badaudela azpimarratzen du Tolosako Udalak. Hori horrela, Tolosako Udalak hartuko du parte hitzartutako jardueren finantzaketan diru-laguntzen bidez.

Diru-laguntza hauek lotuko dira denboraldi bakoitzeko jarduerekin, denboraldia epea kontsideratuz irailetik hurrengo urteko abuztura arteko tartea. Diru-laguntza hauek xedatzen diren honako kopuruak izango dituzte:

2017-2018 denboraldia.....	100.000€
2018-2019 denboraldia.....	100.000€
2019-2020 denboraldia.....	100.000€
2020-2021 denboraldia.....	100.000€

Xede honetarako, Tolosako Udalak dagokion urteko aurrekontuetan beharrezkoak diren baliabide ekonomikoak gordeko ditu, 1000.481.01.34100 Udal aurrekontuetako partidaren kargura.

**Tolosa C.F. elkarteak** aurkeztu duen diruz lagundu beharreko jardueraren aurrekontua, edo hari aurkeztu ondoren egindako aldaketak, erreferentzia gisa erabiliko dira diru-laguntzaren zenbatekoaren azken zehaztapena egiteko, kasu horretan, ulertuko da diruz lagundutako jarduera osorik exekutatzeko behar den finantzaketaren diferentzia pertsona edo entitatearen kontura geratzen dela, finantzaketa publikoa, halakorik bada, itzuli behar delarik jarduera horren kostu osoa gainditzen duen kopuruan.



TOLOSAKO  
UDALA

*Diru-laguntza hau bateragarri izango da helburu bereko beste diru-laguntza, laguntza, sarrera edo baliabide batzuekin, edozein administrazio edo entitate publiko edo pribatu nazionaletatik, Europar Batasunetik edo nazioarteko erakundeetatik datozenak, kalterik egin gabe honekin batera dauden diren beste diru-laguntzak erregulatzeko araudiak horri buruz agindu dezakeenari.*

*Gerta daitezkeen aldi bereko finantzaketa-kasuak honako baldintza hauek bete beharra daukate:*

*a) Emandako diru-laguntzaren zenbatekoak ezin du inolaz ere gainditu, beste diru-laguntza, laguntza, sarrera edo baliabide batzuekin batera, diruz lagundutako proiektu edo jardueraren kostua.*

*Muga hori betetzen dela egiaztatzeko, egindako gastu osoa justifikatu behar da eta justifikatzeko kontuak jaso behar du diruz lagundutako jarduera finantzatu duten beste sarrera edo diru-laguntzen zerrenda zehatz bat, zenbatekoak eta beren jatorria adierazita daudela.*

*b) Finantzazioan soberakin bat gertatuko balitz proiektu edo jardueraren kostuarekiko, onuradunak itzuli egin beharko luke, berandutza-interesekin batera, dagokion justifikazioari ordainketa-gutunak erantsita. Soberakina itzuliko zaie diru-laguntzak eman dituzten entitateei, entitate horietako bakoitzak emandako diru-laguntzen proportzioan.*

*Hala ere, baldin eta Tolosako udala bada finantzaketa-soberakinaz ohartu dena, exijituko du soberakinaren zenbateko osoa itzultzeko, berak emandako diru-laguntzaren mugaraino.*

*Diru-laguntzak elkarrekin bateraezinak izateak ez du galaraziko biak eskatzea, bai, ordea, biak batera jasotzea.*

### **Hirugarrena: Diruz lagundu daitezkeen jarduerak.**

*Hitzarmen honen eremuan honako jarduera hauek sartzen dira:*

#### **1.- Taldearen egitura eta ohiko jarduerak:**

*Tolosa C.F. elkarteak udalerrian kirol modalitate ezberdinak sustatuko ditu helburu ezberdinei erantzuna emanez (hastapena, errendimendua, aisia,). Klubak ahalegin berezia egingo du gazteak erakartzeko eta, gazteen artean, emakumezkoen partaidetza bultzatzeko, bai kirolari modura baita ardura teknikoetarako ere.*

*Kirol federatuaz gain, gaztetxoek hastapeneko kirol jarduerak garatuko ditu, ezinbestean, Tolosako eskola kiroleko egiturekin, elkarlanerako hitzarmenak gauzatuz norabide eta helburuak berdinak konpartitzen dituztelako, eskola adinean dauden ikasleentzako.*

*Diruz lagunduko diren kontzeptuak:*

*- Modalitate ezberdinen sustapena, eskola kirola zein kirol eskolen baitan*



TOLOSAKO  
UDALA

- *Langile-gastuak*
- *Entrenatzaile, begiraleei konpentsazioa*
- *Kirol materiala*
- *Taldeen garraioa*
- *Zerbitzu teknikoak*
- *Zerbitzu medikuak*
- *Federazio gastuak*
- *Aseguruak*
- *Argitalpen, publizitate eta propaganda*
- *Garraioa*
- *Trofeo-sariak*

### ***Irizpideak laguntzak banatzerakoan***

*Klubak bermatu beharko du jasotako diru-laguntzetik errendimenduko 10 lizentzia (hauetatik %50 gutxienez Tolosako kirolariak) baino gehiago dituzten sekzioek, gutxienez, 2.500€ jasoko dituztela.*

*Nolanahi ere proportzionaltasuna gorde beharko luke banaketak. Udalak diru-laguntzak emateko erabiltzen dituen irizpideen arabera, sekzio bakoitzak eskuratzen duen kopurua, klubaren puntuazio osoari egiten dion ekarpena kontutan hartuko ditu.*

*Irizpideen artean, klubak baloratuko dituenak hauexek izango dira:*

- *Errendimenduko lizentzi kopuruak (elitekoak balore erantsia)*
- *Teknikarien kualifikazioa*
- *Konpetizio maila*
- *Garraioaren kostua (sekzioko gastuen % )*

*Eskola kirolaren hitzarmenengatik sekzioek dituzten monitore gastuak osatuko dizkie klubak.*

*Emakumeen errendimenduko lizentziek balore erantsia izango dute.*

### ***2.- Beste Jarduerak***

*Urtean zehar ikuskizuneko kirol jardueren artean, besteak beste, **Urtzi memoriala, Nescup, Neska txirrindularien proba, Sanjoanetako eskubaloi txapelketa, Pala txapelketa, Sanjoanetako Tenis txapelketa** antolatzen ditu Tolosa C.F. elkarteak, besteak beste.*

*Laguntza honetan kontsideratuko diren kontzeptuak:*

- *Aseguruak*
- *Antolaketa gastuak (logistika)*
- *Sariak eta opariak*



TOLOSAKO  
UDALA

- *Argitalpen, publizitate*

*(ez dira kontsideratuko bazkarien, afarien edota ostalaritzako zerbitzuen kostuak, salbu eta diruz lagundutako jarduerak parte-hartzaileek sortutakoak)*

### *3.- Eskola kiroleko hitzarmenak*

*Klubak, Tolosako ikastetxeekin (guraso elkarte) eskola kiroleko lankidetzak hitzarmenak egin ahal izango ditu. Hitzarmen hauek doakoak izango dira ikasleentzako eta nolana ere, Aldundiaren araudia aintzakotzat hartu eta bermatuz, eta Tolosaldeko koordinatzaileen mahaiaren irizpideak errespetatuz.*

*Hitzarmenen kostua urteko balantzean txertatuko du klubak, eta memoriarekin batera erantsiko ditu.*

### *4.-Futbol zelaia*

*Futbol zelaiaren urteko zaintza eta mantenua egingo du, unean uneko beharrei erantzunez, horretarako behar dituen baliabideak klubaren kontura izango direlarik. Betebehar hauek bermatuko dira diruz lagundutakoak futbol zelaia belar naturalekoa den bitartean.*

### **Laugarrena: Indarraldia**

*Hitzarmen honek 2017ko irailaren 1etik 2021ko abuztuaren 31ra arte izango ditu ondorioak. Epe hori bete ondoren, urtez urte, beste lau urtez gehiago luzatu ahal izango da bi aldeek kontrakorik esaten ez badute.*

*Emandako diru-laguntza behar bezala erabili dela justifikatu behar zaio Kirol departamentuari, Tolosako Udalaren eta bere Erakunde Publikoen diru-laguntzen Ordenantza Orokorrak xedatutakoaren arabera.*

### **Bosgarrena: Diru-laguntza jaso dezaketen gastuak.**

*Diru-laguntza jaso dezaketen gastutzat hartzen dira, indarrean dagoen legeriaren eta Tolosako Udalaren eta bere Erakunde Publikoen diru-laguntzen Ordenantza Orokorren aurreikuspenen esparruaren barruan, baldintza hauek betetzen dituztenak: batere zalantzarik gabe lagundutako jardueraren izaerarekin bat etortzea; deialdian, hitzarmenean edo emakida-ebazpenean ezarritako epearen barruan egitea; beren eskuraketa-balioa merkatuko balioa baino handiagoa ez izatea; eta, deialdian, hitzarmenean edo ebazpenean espresuki kontrakoa xedatu ezean, justifikatzeko epea bukatu aurretik egiaz ordaintzea.*

*Urteroko zuriketarako onartuko dira gastu bezala denboraldikoak, hain zuzen ere irailaren batetik hurrengo urteko abuztuaren 31-a.*

*Diru-laguntza jaso dezakeen gastuaren zenbatekoa handiagoa bada kontratu publikoen gaineko legerian kontratu txikirako ezarritako zenbatekoak baino, pertsona onuradunak gutxienez hiru hornitzailearen eskaintzak eskatu beharko ditu. Hori ez da beharrezkoa izango baldin eta, diru-laguntza jaso dezaketen gastuen ezaugarri bereziengatik, merkatuan ondasun edo zerbitzuok*



TOLOSAKO  
UDALA

egin, eman edo hornitzen dituen hainbeste entitaterik ez badago, edo gastua diru-laguntza eskatu baino lehen egin bada. Alderdi horiek ziurtasun osoz justifikatu beharko dira.

Aurkeztutako eskaintzak aurkeztu behar dira edo justifikazioan edo, hala badagokio, diru-laguntzarako eskabidean. Proposamen ekonomikorik onena aukeratzen ez denean, espresuki justifikatu beharko dira, memoria baten bidez, erabili diren irizpideak.

Gutxienez hiru hornitzaileen eskaintzak aurkeztu ez badira edo aukeratu bada, behar bezala arrazoitu gabe, proposamen ekonomikorik onena ez baizik besteren bat, organo emaleak eskatu ahal izango du ondasun edo zerbitzuaren peritu-tasazio bat egin dadila, eta sortzen diren gastuak pertsona onuradunaren kontura izango dira. Kasu horretan, diru-laguntza kalkulatu da erreferentziatzat harturik bi balioetan txikiena dena: pertsona onuradunarena edo tasazioaren ondorioz ateratakoa

#### **Seigarrena: Diru-laguntzaren justifikazioa.**

Diru-laguntza emateko egintzan aurreikusitako baldintza eta helburuak betetzearen eta lortzearen justifikazioa egingo da DLOaren 30. artikuluan, DLOaren Araudian eta Tolosako Udalaren eta bere Erakunde Publikoen diru-laguntzen Ordenantza Orokorrean aurreikusita dagoenaren arabera.

Diru-laguntza justifikatuko da «justifikatzeko kontua ordainagiriak aurkeztuta» izeneko modalitateaz, oro har, honako dokumentazio hau duela:

a) Jarduera-memoria bat (A1 inprimakia). Memoria horretan adieraziko da zein jarduera egin diren, datu guztiak sexuen arabera banatuta aurkeztuko dira.

Elkarteak, ohiko errendimendu egitarauetatik kanpo antolatzen dituen jarduera bakoitzeko memori bat (A3 inprimakia) erantsiko du.

b) Egindako jardueren kostua justifikatzeko memoria bat (Kz inprimakia), non hauek jasoko diren:

- Gastuak eta inbertsioak sailkatzen dituen zerrenda bat, hartzekoduna eta dokumentua, data eta ordainketa datak adierazita.

- Fakturak eta merkataritzako trafiko juridikorako balioa edo eraginkortasun administratiboa duten gainerako agiriak. Agiri horiei erantsiko zaie egindako ordainketak egiaztatzen duen dokumentazioa.

- Berreskuratu edo konpentsatu ezin daitezkeen zeharkako zergak justifikazioaren osagaiak badira, pertsona onuradunak aurkeztu beharko du erantzukizunpeko aitopene bat, zehaztu ahal izateko frogagiritan ageri diren zergetatik zein hartu litezkeen diruz lagundutako gastutzat.

- Diruz lagundutako jarduera finantzatu duten beste sarrera edo diru-laguntzen zerrenda zehaztu bat, zenbatekoa eta jatorria adierazita.

d) Futbol zelaiaren zaintza eta mantenuaren urteko likidazioa eta justifikazioak.





TOLOSAKO  
UDALA

e) Egonez gero, eskola kirolerako Ikastetxeekin sinatutako hitzarmen kopia. Klubak jarduera horretarako egindako gastuak eta izandako sarrerak egiaztatuko ditu (monitoreen ordainagiriak, materiala...)

**Zazpigarrena: Diru-laguntzen justifikazioa aurkezteko epea.**

Diru-laguntzen justifikazioa aurkezteko epea honako hau izango da:

2018rako, **abenduaren 5-a** (2017-2018 denboraldikoa).

Gainontzeko urteetarako, epea urriaren 31n amaituko da.

**Zortzigarrena: Ordaintzeko prozedura.**

Diru-laguntza bi zatitan ordainduko da: lehena organo eskudunaren erabakiaren jakinarazpenarekin batera eta Ogasunarekiko eta Gizarte Segurantzarekiko betebeharrak egunean dituela ziurtatzen duten agiriak aurkeztutakoan, honen zenbatekoa diru-laguntzaren % 50a izango da, eta beste % 50a, egindako gastua justifikatzen duen kontua aurkeztutakoan (kontu zurigarriaren inprimakia), beti ere udal zerbitzuen oniritzia jasoz gero, ebazpena ematen denean.

Hala badagokio, Tolosa C.F. elkarteak, denboraldiko kontu zurigarriarekin aurreikusitako diru-laguntza justifikatuko ez balu bere osotasunean, aurreratutako diru kopurutik aplikatu ez diren soberakinak eta horietatik ateratzen diren interesak itzuli direla dioen ordainketa gutuna aurkeztu beharko du.

Nolanahi ere, justifikazioa aurreikusitako diru-laguntza zuritzeko nahikoa ez balitz, klubari likidatuko zaion diru-laguntza justifikatutakoaren kopurukoa izango da.

Betebeharreko baldintza izango da kluba egunean egotea, Tolosako Udalaren diru-laguntzei dagokionez.

Ordainketak Diru-laguntzen Datu Base Nazionalari jakinaraziko zaizkio ordaindu eta hurrengo hilabetea bukatu aurretik.

**Bederatzigarrena: Diruz lagundutako jardueraren publizitatea.**

**Tolosa C.F. elkarteak** diruz lagundutako jardueren publikotasuna zabaltzeko neurriak, diruz lagundutako objektuarentzat egoki direnak, dela beren forman, dela beren iraupenean, nola baitira, esaterako, karteletan, plaka oroigarrietan, inprimatutako materialetan, baliabide elektroniko edo ikus-entzunezkoetan Tolosako udalaren irudi instituzionala edo beraren finantzaketa publikoari buruzko legendak sartzea, edo hedabideetan aipamenak egitea, eta hori dena beste finantzaketa-iturri batzuei emandako garrantzia berdinarekin.

**Tolosa C.F. elkarteak** konpromisoa hartzen du Tolosako Udalak beharrezkotzat eta interesgarritzat jotako gizarte-, hezkuntza-, kultura- eta jolas-ekitaldietara joan eta bertan parte hartzeko.

**Hamargarrena: Euskararen erabilpena.**



TOLOSAKO  
UDALA

Ahozko informazioa (megafonia...) eta idatzizkoa (kartelak, oharrak...) euskaraz edo elebitan egingo dira, eta azken kasu horretan euskarari lehentasuna emanda, Tolosako Udalean eta Udalerrian euskararen erabilera normalizatzeko Udal Ordenantzak xedatzen duen bezala. Euskaraz egingo dira ekintzaren izaerak edo hartzaileen berezitasunek hala eskatzen badute.

### **Hamaikagarrena: Genero berdintasuna.**

**Tolosa C.F. elkarteak** ezingo du inolako laguntzarik jaso honako kasuetan:

- Pertsona fisiko edo juridikoak baldin eta beren xede edo helburuak, aukeratzeko edo sartzeko sistema, funtzionamendua, ibilbidea, jarduera, antolamendua edo estatutuak emakumeen eta gizonen aukera-berdintasuneko printzipioaren kontrakoak badira.
- Sexu edota hizkuntza sexista erabiltzen duten pertsona fisiko edo juridikoek.
- Sexuaren ziozko zigor administratibo edo penala jaso duten pertsona fisiko edo juridikoak, ezta Emakumeen eta Gizonen Berdintasunerako 4/2005 Legea dela-eta hala zigortuta daudenak ere.
- Emakumeen eta Gizonen Berdintasunerako 4/2005 Legean edo Emakumeen eta Gizonen berdintasun efektiboari buruzko martxoaren 22ko Lege Organikoan xedatutako obligazioak betetzen ez dituzten entitate edo enpresak.
- Aukeratzeko prozeduran edo funtzionamenduan sexuaren ziozko bereizketaren bat egiten duten elkarteak.

### **Hamabigarrena: Jarraipen batzordea.**

Hitzarmen honen testuinguruan, bi aldeek adostu dute hitzarmen honen jarraipena egiteko batzorde bat eratzea. Batzorde horren funtzioak hauek izango dira: hitzarmena ongi betetzen dela zaintzea, sor daitezkeen zalantzak argiturik; diru-laguntza jaso duten jarduera guztien memoria eta ustiapen-kontua adostea; hitzarmena betetzen ote den eta zein neurritan betetzen den aztertzea; eta bi aldeen interesekoak izan daitezkeen lankidetzak bide berriak proposatzea.

Tolosako Udalak egoki irizten dituen ikuskapen eta ziurtapenak egiteko ahalmena du, **Tolosa C.F. elkarteak** hartutako konpromisoak betetzen dituela egiaztatzeko helburuarekin.

### **Hamahirugarrena: Iraungitzea.**

Hitzarmen hau iraungiko da Sektore Publikoaren Araubide Juridikoaren 40/2015 Legearen 51. artikuluan zehaztutako kasuetan.

### **Hamalagarrena: Lan eta zerga legeria.**

**Tolosa C.F. elkarteak** bete beharko du, bere jarduera gauzatzean, indarrean dagoen legedian ezarritakoa, bereziki zergei, lan-harremanei, Gizarte Segurantzari edo horren aplikaziotik eratortzen den guztiari dagokienean.



TOLOSAKO  
UDALA

**Hamabosgarrena: Izaera administratiboa.**

Hitzarmen honek izaera administratiboa du. Beraz, bere klausulek eta bere kasuan aplikatzekoa den legediak arautzen dute.

**Hamaseigarrena: Erantzukizunpeko adierazpena.**

Tolosako Udalaren eta bere Erakunde Publikoen diru-laguntzen Ordenantza Orokorraren 10.11. artikuluan xedatutakoaren arabera, DLoren 13.2 artikuluan ezarritako onuradun izateko debekuetan erortzen ez delako egiaztapena egingo da notario baten edo funtzionario publiko baten aurreko erantzukizunpeko adierazpen baten bidez.

**Hamazazpigarrena: Gainerako legeria.**

Hitzarmen honetan araututa ez dagoenean, bete beharko da honako lege-arau hauetan xedatutakoa: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Diru-laguntzei buruzkoa eta berau garatzeko Erregelamendua onartzen duen 887/2006 Errege Dekretua, uztailaren 21ekoa; eta Tolosako Udalaren eta bere Erakunde Publikoen diru-laguntzen Ordenantza Orokorra.

**Hemezortzigarrena: Izaera pertsonaleko datuak.**

Izaera pertsonaleko datuak arautzen duen legeriak agintzen duenari jarraituta, bi aldeek konpromiso hartzen dute indarrean dagoen legerian xedatutakoa, aplikatu daitezkeen guztian, beteko dutela.

**Hemeretzigarrena: Baimentzea.**

**Tolosa C.F. elkarteak** espresuki ematen dio baimena Tolosako Udalari, edozein momentutan eta edozein Administrazio edo Erakunde Publikotatik zuzenean eskura ditzan hitzarmen honen bitartez eskatutako diru-laguntza lortzeko ezinbesteko baldintzak betetzen direla egiaztatzeko behar diren datuak.

**Hogeigarrena: Gardentasun Ataria.**

Hitzarmenaren testua argitaratuko da Gardentasun atarian eta Udaletxeko Iragarki taulan.

**BIGARRENA.-** Diru-laguntzaren %50 aurrerakina ematea lankidetzat hitzarmena sinatu ondoren eta klubak, diru-laguntzak jasotzeko betebeharretan egunean dagoela egiaztatu eta gero.



TOLOSAKO  
UDALA

**HIRUGARRENA.-** Erabaki honen berri ematea Kirola Departamentuari eta Kontuhartzaitzari.

### **3. ONARTZEA AZKEN MUGA KULTUR ELKARTEARI DIRU-LAGUNTZA IZENDUNA EMATEKO HITZARMENA.**

AURREKARIAK:

Tolosako Udaleko Kultura, Festak eta Gazteriako Zerbitzu Buruak, 2018ko uztailaren 27an egindako txostenean, interesekotzat jotzen du Elkarteari diru-laguntza izenduna ematea.

Izan ere, egitasmoaren azterketa egin ondoren, ekimen berak duen balio kulturalaren balorazioa eta Tolosarentzat zentzu guztietan suposatzen duen onura frogatu ondoren, Elkarteari aipatutako diru-laguntza ematea proposatu du teknikariak eta txosten juridikoa eskatu du.

AZTERKETA JURIDIKOA

#### **Aurreko izaeraz, Diru-laguntzen Plan Estrategikoaren beharra**

Azaroaren 17ko 38/2003 Legeak, diru-laguntzak erregulatzeen dituenak, honela dio bere 8.1.artikuluari:

“Artículo 8. Principios generales”.

1. Los órganos de las Administraciones públicas o cualesquiera entes que propongan el establecimiento de subvenciones, con carácter previo, deberán concretar en un plan estratégico de subvenciones los objetivos y efectos que se pretenden con su aplicación, el plazo necesario para su consecución, los costes previsibles y sus fuentes de financiación, supeditándose en todo caso al cumplimiento de los objetivos de estabilidad presupuestaria.

2. Cuando los objetivos que se pretenden conseguir afecten al mercado, su orientación debe dirigirse a corregir fallos claramente identificados y sus efectos deben ser mínimamente distorsionadores.

3. La gestión de las subvenciones a que se refiere esta ley se realizará de acuerdo con los siguientes principios:

a) Publicidad, transparencia, concurrencia, objetividad, igualdad y no discriminación.



TOLOSAKO  
UDALA

- b) Eficacia en el cumplimiento de los objetivos fijados por la Administración otorgante.
- c) Eficiencia en la asignación y utilización de los recursos públicos.”

Zentzu honetan, Udalbatzak 2017-2019 urteetarako Tolosako udalaren diru-laguntzen plan estrategikoa onartu zuen. Azken muga Taldea ez dago espreski jasota erabaki horretan.

Beraz, aldez aurretik diru-laguntza hori Plan Estrategikoan sartu beharko litzateke, edo bere kasuan, Kontuhartzaileak egingo duen txostenari lotuko natzaio.

**1.-Oinarri juridikoa eta udalaren eskumena** Toki-Administrazioaren Arrazionaliazioa eta Iraunkortasuna arautzen dituen abenduaren 27ko 27/2013 Legea indarrean sartu ondoren, aipatu Administrazioaren Araubidearen Oinarriak arautzen dituen apirilaren 2ko 7/1985 Legearen eskuduntzen sistema aldatu egin zen. Zehazki, ondoko aldaketa hauek eragin zituen lege berriak:

- udal eskumenen sailkapena egin zituen: udalen eskumenen artean berezkoak, delegatuak, eta bestelakoak bereizi ditu lege berriak.
- udalen berezko eskumenen gaiak murriztu egin ditu.
- udalen eskumenen egikaritza ekonomia eta finantza jasangarritasunaren irizpideen menpe jarri ditu.

Era honetan, Toki Araubidearen Oinarriak arautzen dituen apirilaren 2ko 7/1985 Legearen 25. artikulua 2. atalari idazketa berria eman zion Arrazionalizazio lege horrek, eta gainera bat osatu zuen, non udalek berriazko eskumenak egikarituko baitzituzten. Gai horien artean, 25.2 artikulua m) atalak udalek, besteak beste, “Kultura sustatzea eta kultur ekipamenduak” arloan eskumenak beteko dituztela xedatzen du, betiere, Estatu eta Autonomia Erkidegoko legedian ezarritako moduan.

Euskal Autonomia Erkidegoko tokiko entitateei aplikagarria zaien Euskadiko Toki Erakundeei buruzko apirilaren 7ko 2/2016 Legearen 17. artikulua udalerrien eskumen propioak arautzen ditu eta horiek zein esparru materialetan erabili ahal izango dituzten eskumen propioak zehazten ditu; 17.1.20.artikulua arabera udalerriek, besteak beste, ondorengo esparru material hauetan erabili ahal izango dituzte eskumen propioak:”kultura eta kultura-jarduerak antolatzea eta sustatzea eta erabilera publikoko kultura ekipamenduak kudeatzea”.

## **2. Udalaren sustapen-neurriak eta diru laguntzak. Prozedura:**

Toki-Korporazioen Zerbitzuen Erregelamendua arautzen duen 1955eko ekainaren 17ko Dekretuaren 24 eta hurrengo artikuluek, udalen sustapen-egintza onartu eta xedatzen dute, horien barruan diru laguntzak emateko ahalmena onartzen zaielarik. Bestaldetik,



TOLOSAKO  
UDALA

era orokorrean, herri-administrazioen laguntzak ondoko hiru araudi nagusi hauek arautzen dituzte:

- Azaroaren 17ko 38/2003 Lege Orokorra
- Lege hori garatzen duen 2006ko uztailaren 21eko Erregelamendua
- Tolosako udalaren eta bere erakunde publikoen diru-laguntzen ordenantza orokorra.

Arautegi horien arabera, diru-laguntzak emateko prozedura arrunta norgehiagoka bidezkoa da.

Halere, **zuzenean eman daitezke** honako diru-laguntza hauek:

a) Toki-entitateen aurrekontu orokorretan aurreikusitako diru-laguntza izendunak, diru-laguntza horien hitzarmenetan eta araudian jasotako baldintzetan.

Hauexek dira toki-entitateen aurrekontuetako diru-laguntza izendunak: helburua, aurrekontu-zuzkidura eta onuraduna zehaztuta dituztenak aurrekontuaren gastuen orrian.

b) Lege-mailako arauen ondorioz administrazioari ezartzen zaizkion diru laguntzak edo zenbatekoak; diru-laguntza hauek emateko, arauaren beraren arabera aplikatu beharreko prozedura jarraitu beharko da. Bestalde, diru-laguntza hauek erregulatuko dituzte lege-mailako arau horrek berak eta dagokion administrazioari berariaz aplikatu beharrekoak direnek.

c) Salbuespenez, honako diru-laguntza hauek eman daitezke zuzenean: interes publiko, sozial, ekonomiko edo humanitariokoak tarteko direla justifikatzen dutenak eta halako laguntzak emateko deialdi publiko bat egitea ezinezkoa dela ere justifikatzen dutenak justifikazio arrazoituaren eta agiri bidezko memoriaren bidez.

Diru-laguntzak eman aurretik, onartuta egon behar dute haien oinarri erregulatzaileak ezartzen dituzten arauak.

Legeriaren arabera, aurrekontuetan aurreikusitako diru-laguntza izendunen kasuan, diru-laguntza emateko egintza edo hitzarmena bera diru-laguntzak emateko



oinarri arautzailatzat joko da; era berean, hitzarmenak diru-laguntzen Lege Orokorreko 28.3 artikuluko elementuak jaso beharko ditu<sup>1</sup>.

Diru-laguntza zuzenean emateko prozeduraren oinarritzko ezaugarria da ez dela exijitzekoa publizitatearen eta norgehiagokaren printzipioak betetzea, eta lehen aipatu bezala, Legean aurreikusitako kasu horietan soilik aplikatu daiteke. Hori bai, kontuan izan behar da ematen diren diru-laguntza guztiak haien datu-basera bidali behar direla (BDNS-Banco de Datos Nacional de Subvenciones), egintza erregistragarriak gertatu ahala bidali ere, eta helarazi behar direla egintza gertatu eta hurrengo hilabete naturala bukatu baino lehen<sup>2</sup>.

Era berean, kontuan izan behar da ondorengo betebeharrak hau ere<sup>3</sup>: Subentzio edo laguntza publiko batek deialdia egitea ez badu derrigorrezko, hura ematen duen organoak BDNSn erregistratu beharko ditu datu egituratuak, honako epe hauetan: xedapen arautzailea argitaratu eta berehala, baldin eta subentzioak edo laguntzak hartzaile zehazturik ez badu; eta ematen den momentuan, gainerako kasuetan. SNPS-DPSNk (Sistema Nacional de Publicidad de Subvenciones-Diru-laguntzen Publizitate Sistema Nazionala) berehala egingo du datu horien publizitatea, eta ez da aplikagarria izango 72 orduko epea, bosgarren xedapenean ezarrita dagoena; era berean, ez da beharrezkoa estraktua aldizkari ofizialean argitaratzea.

Xehetasunean, Legedi hau aplikatu behar da:

- Diru-laguntzen udal ordenantza. Kasu honetan, diru-laguntza izendunak udal ordenantzako 13.3,a eta 18-22 artikuluek arautuko dituzte.

— 7/1985 Legea, apirilaren 2koa, toki-araubidearen oinarriak arautzen dituena; 21., 22., 25. eta 72. artikulua.

— 1955eko ekainaren 17ko Dekretua, toki-korporazioen zerbitzuen araudia

1 887/2006 Errege Dekretua, uztailaren 21ekoa, azaroaren 17ko 38/2006 diru-laguntzen Lege Orokorren erregelamendua onartzen duena; 65.3 artikulua, bigarren paragrafoa; 67.2 artikulua, bigarren paragrafoa.

38/2003 Lege Orokorra, diru-laguntzei buruzkoa, 28.3 artikuluan agertzen den Errege Dekretua.

2 Diru-laguntzei buruzko 38/2003 Lege Orokorreko 20.8.b artikulua, ondorengo honetan garatua: Estatuko Administrazioako Interbentzio Orokorren Ebazpena, 2015eko abenduaren 9koa; 4.2 artikulua.

3 Estatuko Administrazioako Interbentzio Orokorren Ebazpena, 2015eko abenduaren 10ekoa; seigarren artikulua.



onartzen duena; II. Titulua.

— 38/2003 Lege Orokorra, azaroaren 17koa, diru-laguntzei buruzkoa; 9.2, 22.2, 28., 30. eta ondorengoak.

— 38/2003 Lege Orokorraren Erregelamendua; 55., 65., 66. eta 67. artikulua. Erregelamendu hori uztailaren 21eko 887/2006 Errege Dekretuaren bidez onartu zuten.

— Estatuko Administrazioiko Interbentzio Orokorraren Ebazpena, 2015eko abenduaren 10ean emana. Horren bidez arautzen da zer prozesu jarraitu behar den Diru-laguntzen Publizitate Sistema Nazionalan (SNPS) subentzio eta laguntzen deialdien erregistroa eta publizitatea egiteko.

— Estatuko Administrazioiko Interbentzio Orokorraren Ebazpena, 2015eko abenduaren 9an emana. Horren bidez arautzen dira Diru-laguntzen Datu-Base Nazional berriari eman beharreko informazioaren edukia eta maiztasuna.

----40/2015 Legea, urriaren 1koa, Sektore Publikoaren Araubide Juridikoa arena. Konkretuki, 47-53 artikuluetan zehaztutakoa. Batez ere, kontutan hartu behar da 48.7 artikulua dioena: "Cuando el convenio instrumento una subvención deberá cumplir con lo previsto en la Ley 38/2003, de 17 de noviembre, General de Subvenciones y en la normativa autonómica de desarrollo, que en su caso, resulte aplicable."

Prozedura, normalean, ofizioz hasiko da. Horretaz gain, prozedura ofizioz edo interesdunak eskatuta hasiko da, kasu hauetan: aurrekontuetan aurreikusitako diru-laguntza izendun bat eman behar denean, eta lege-mailako arauen ondorioz administrazioari ezartzen zaion zuzeneko diru-laguntza bat eman behar denean, baldin eta entitate emailearen eta onuradunen artean hitzarmena sinatu behar bada.

Zuzeneko diru-laguntza emateko prozedura orokorra honako hau da:

**A.** Departamentuko arduradunak egiaztatu behar du dirulaguntza eskaerak ondoko baldintzak betetzen dituela, zera:

-Eskatzailea den Elkarteen Erregistroan inskribatuta dagoela, eta bere ordezkaria .

-Elkarteen Estatutuetan arautzen den xedea bat datorrela diruz lagunduko diren jarduerekin.





TOLOSAKO  
UDALA

-Elkartea egunean dagoela bere betebeharretan, Gizarte Segurantzarekin eta Ogasunarekin.

-Eskatzaileak erantzunkizunpeko aitortpena aurkeztuko du, dirulaguntza jasotzeko inolako debekurik edo bateraezintasunik ez duela, eta dagokion ordenantzak xedaturiko baldintzak betetzen dituela adieraziz.

Halaber, eskatzaileak zehaztu behar ditu bere eskaeraren jarduerak eta aurrekontua.

Arduradunak txostena egingo du, goian azaldutakoa egiaztatuz. Bestalde, txosten hori egingo du jakiteko ea aurrekontuan diru-izendapenik badagoen edo ez diru-laguntza izendun hori emateko.

Kontutan hartu behar da, Tolosako udalaren eta bere erakunde publikoen dirulaguntzen ordenantza orokorrak bere 10.8.artikuluaren esaten duena: "Inola ere ezingo dute onuradun izaerarik izan Tolosako udalak edo beren erakunde publikoek emandako diru-laguntzak justifikatzeko daudenak, behin justifikazio hori aurkezteko epea bukatuz gero, kontuan hartu gabe DLOren Araudiaren 70.3 artikulua aipatzen duen errekerimendua egin den ala ez. Debeku horren ebaluazioa modu automatikoan egingo da, eta indarrean egongo da justifikazioa aurkeztu arte". Puntu honetan, beraz, kontuhartzaileak egingo duen txostenari heldu behar da.

Era berean, diru-laguntzen udal ordenantzako 20.2.b artikulua dio Kontuhartzaitzaren txostena behar dela.

**B.** Gobernu Batzarrak erabakia hartuko du.

**C** Hitzarmena formalizatuko da; bertan jasoko dira emakidadunak dituen betebeharrak eta konpromisoak diru-laguntza aplikatzeko eta justifikatzeko.

**D.** Ebazpenaren berri emango zaie interesatuei, legeriak agindu bezala eman ere<sup>4</sup>.

**E.**-Iragarkia Dirulaguntzen Publizitate Sistema Nazionalera igorriko da .Baita gardentasun atarira ere.

**F.** Diru-laguntza jasotzeko, dokumentazioa aurkeztu behar da haren aplikazioa justifikatzeko. Oinarrietan jasota egongo da zer dokumentazio eskatu.

4 39/2015 Legea, urriaren lekoa, Herri Administrazioen Administrazio Prozedura Erkidearena; 40. eta 41. artikulua.



TOLOSAKO  
UDALA

Prozedurari dagokionez, araututa daude berezitasun batzuk, diru-laguntza motaren arabera<sup>5</sup>. Hori dela eta, hauexek izan behar dira kontuan:

Aurrekontuetan aurreikusitako diru-laguntza izenduna eman behar bada, ebazpenak edo, hala badagokio, hitzarmenak puntu hauek jaso behar ditu<sup>6</sup>:

- Zehaztu behar da diru-laguntzaren eta haren onuradunen helburua, aurrekontuko diru-izendapenaren arabera.
- Zer aurrekontu-kredituari egotziko zaion gastua eta diru-laguntzaren zenbatekoa, banan-banan, baldin eta onuradun bat baino gehiago badira.
- Diru-laguntza horren bateragarritasuna edo bateraezintasuna helburu bereko beste diru-laguntza, laguntza, diru-sarrera edo baliabideekiko, Estatuko edo Europar Batasuneko edozein administrazio, ente publiko edo pribatuena izan, nazioarteko erakundeena izan.
- Epeak eta moduak diru-laguntza ordaintzeko; ordaintza aurreratzeko edo konturako ordaintzak egiteko aukera; onuradunek jarri beharko bermeen arauak.
- Epea eta moduak onuradunak justifika dezan diru-laguntzak bete duela zeukan helburua, eta nola erabili diren jasotako diruak.

Gainera, kontuan izango dira Udal Ordenantzako 18.3 artikuluan jasotako puntuak.

**3.-Organo eskuduna:**Gobernu Batzordea. Horrela dio 2015/1.278 Alkate Dekretuak "Gobernu Batzarrarengan eskuordetzea ondorengo eskuduntzak: "Dirulaguntzak eta laguntzak, konkurrentzia prozeduraren bidez ematen ez direnak, salbu Gizarte Ongizateko arautuak"

Beraz, bukatzeko Elkartek diru-laguntza izenduna jasotzeko baldintzak betetzen ditu.

Hori guztia kontuan izanik, eta udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

5 887/2006 Errege Dekretua, uztailaren 21ekoa, azaroaren 17ko 38/2003 Lege Orokorraren Erregelamendua onartzen duena.

6 887/2006 Errege Dekretua, uztailaren 21ekoa; 65.3 artikulua.



TOLOSAKO  
UDALA

## ERABAKI DU

**LEHENA.- Onartzea** Azken Muga Elkarteari - 2018ko aurrekontuetako 0800.481.01.33410 partidaren kargura diru-laguntza zuzena ematea, 4.000 euro.

**BIGARRENA.- Onartzea** Tolosako udalaren eta Azken Muga Elkartearen arteko hitzarmena, klausula hauen arabera:

**Lehena: Xedea.**

Hitzarmen honen helburua da Tolosako Udalaren eta Azken Muga elkartearen arteko lankidetzarako eremu egonkor bat ezartzea Tolosako udalerrriaren barruan.

**Bigarrena: Diruz lagundu daitezkeen jarduerak.**

Hitzarmen honen eremuan honako jarduera hauek sartzen dira:

- Abuztuaren 11an jazz kontzertua
- Abuztuaren 12an: haurrentzako lantegiak
- Abuztuaren 16an: zine emanaldia
- Abuztuaren 23tik irailaren 22ra. "Aralar atzo" erakusketa
- Irailaren 7an hitzaldia
- Irailaren 14ean: antzerki eta txotxongilo saioa
- Irailaren 15ean: Erromeria
- Irailaren 22an : Bertso Eguna eta herri kirol saioa

**Hirugarrena: Diruz lagundutako jardueren finantziazioa.**

Tolosako Udalak hartuko du parte hitzartutako jardueren finantzaketan diru-laguntza baten bidez. 2018ko ekitaldian, aurrekontu-baliabide horiek 4.000 eurokoak izango dira, 0800.481.01.33410 Udal Aurrekontuetako partidaren kargura; dena dela, diruz lagundutako elkarteak beste Erakunde batzuen diru-laguntzak ere jaso ditzake.

Entitate onuradunak aurkeztu duen diruz lagundu beharreko jardueraren aurrekontua, edo hari aurkeztu ondoren egindako aldatetarik, erreferentzia gisa erabiliko dira diru-laguntzaren zenbatekoaren azken zehaztapena egiteko, kasu horretan, ulertuko da diruz lagundutako jarduera osorik exekutatzeko behar den finantzaketaren diferentzia pertsona edo entitatearen kontura geratzen dela, finantzaketa publikoa, halakorik bada, itzuli behar delarik jarduera horren kostu osoa gainditzen duen kopuruan.

Diru-laguntza hau bateragarri izango da helburu bereko beste diru-laguntza, laguntza, sarrera edo baliabide batzuekin, edozein administrazio edo entitate publiko edo pribatu nazionalatik, Europar Batasunetik edo nazioarteko erakundeetatik datozenak, kalterik egin gabe honekin batera dauden diren beste diru-laguntzak erregulatzeko araudiak horri buruz agindu dezakeenari.



TOLOSAKO  
UDALA

Gerta daitezkeen aldi bereko finantzaketa-kasuak honako baldintza hauek bete beharra daukate:

a) Emandako diru-laguntzaren zenbatekoak ezin du inola ere gainditu, beste diru-laguntza, laguntza, sarrera edo baliabide batzuekin batera, diruz lagundutako proiektu edo jardueraren kostua.

Muga hori betetzen dela egiaztatzeko, egindako gastu osoa justifikatu behar da eta justifikatzeko kontuak jaso behar du diruz lagundutako jarduera finantzatu duten beste sarrera edo diru-laguntzen zerrenda zehatz bat, zenbatekoak eta beren jatorria adierazita daudela.

b) Finantzazioan soberakin bat gertatuko balitz proiektu edo jardueraren kostuarekiko, onuradunak itzuli egin beharko luke, berandutza-interesekin batera, dagokion justifikazioari ordainketa-gutunak erantsita. Soberakina itzuliko zaie diru-laguntzak eman dituzten entitateei, entitate horietako bakoitzak emandako diru-laguntzen proportzioan.

Hala ere, baldin eta Tolosako udala bada finantzaketa-soberakinaz ohartu dena, exijituko du soberakinaren zenbateko osoa itzultzeko, berak emandako diru-laguntzaren mugaraino.

Diru-laguntzak elkarrekin bateraezinak izateak ez du galaraziko biak eskatzea, bai, ordea, biak batera jasotzea.

#### **Laugarrena: Indarraldia.**

Hitzarmen honek 2018ko urtarrilaren 1etik abenduaren 31ra arte izango ditu ondorioak. Emandako diru-laguntza behar bezala erabili dela justifikatu behar zaio Kultura, Festak eta Gazteria departamentuari, Tolosako Udalaren eta bere Erakunde Publikoen diru-laguntzen Ordenantza Orokorrek xedatutakoaren arabera.

#### **Bosgarrena: Diru-laguntza jaso dezaketen gastuak.**

Diru-laguntza jaso dezaketen gastutzat hartzen dira, indarrean dagoen legeriaren eta Tolosako Udalaren eta bere Erakunde Publikoen diru-laguntzen Ordenantza Orokorren aurreikuspenen esparruaren barruan, baldintza hauek betetzen dituztenak: batere zalantzarik gabe lagundutako jardueraren izaerarekin bat etortzea; deialdian, hitzarmenean edo emakida-ebazpenean ezarritako epearen barruan egitea; beren eskuraketa-balioa merkatuko balioa baino handiagoa ez izatea; eta, deialdian, hitzarmenean edo ebazpenean espresuki kontrakoa xedatu ezean, justifikatzeko epea bukatu aurretik egiaz ordaintzea.

Bakar-bakarrik onartuko dira diru-laguntza eman edo hitzarmena onartutako urtearen barruan sortzen diren gastuak.

Diru-laguntza jaso dezakeen gastuaren zenbatekoa handiagoa bada kontratu publikoen gaineko legerian kontratu txikirako ezarritako zenbatekoak baino, pertsona onuradunak gutxienez hiru hornitzailearen eskaintzak eskatu beharko ditu. Hori ez da beharrezkoa izango baldin eta, diru-laguntza jaso dezaketen gastuen ezaugarri bereziengatik, merkatuan ondasun edo zerbitzuok egin, eman edo hornitzen dituen hainbeste entitaterik ez badago, edo gastua diru-laguntza eskatu baino lehen egin bada. Alderdi horiek ziurtasun osoz justifikatu beharko dira.



TOLOSAKO  
UDALA

Aurkeztutako eskaintzak aurkeztu behar dira edo justifikazioan edo, hala badagokio, diru-laguntzarako eskabidean. Proposamen ekonomikorik onena aukeratzen ez denean, espresuki justifikatu beharko dira, memoria baten bidez, erabili diren irizpideak.

Gutxienez hiru hornitzaileen eskaintzak aurkeztu ez badira edo aukeratu bada, behar bezala arrazoitu gabe, proposamen ekonomikorik onena ez baizik besteren bat, organo emaileak eskatu ahal izango du ondasun edo zerbitzuaren peritu-tasazio bat egin dadila, eta sortzen diren gastuak pertsona onuradunaren kontura izango dira. Kasu horretan, diru-laguntza kalkulatu da erreferentziatzat harturik bi balioetan txikiena dena: pertsona onuradunarena edo tasazioaren ondorioz ateratakoa

#### **Seigarrena: Diru-laguntzaren justifikazioa.**

Diru-laguntza emateko egintzan aurreikusitako baldintza eta helburuak betetzearen eta lortzearen justifikazioa egingo da DLOaren 30. artikuluan, DLOaren Araudian eta Tolosako Udalaren eta bere Erakunde Publikoen diru-laguntzen Ordenantza Orokorren aurreikusita dagoenaren arabera.

Diru-laguntza justifikatuko da «justifikatzeko kontua ordainagiriak aurkeztuta» izeneko modalitateaz, oro har, honako dokumentazio hau duela:

a) Jarduera-memoria bat, diru-laguntza ematean ezarritako baldintzak betetzen direla justifikatzeko. Memoria horretan adieraziko da zein jarduera egin diren eta zein emaitza lortu diren, eta, ahal den neurrian, datu guztiak sexuen arabera banatuta aurkeztuko dira.

b) Egindako jardueren kostua justifikatzeko memoria bat, non hauek jasoko diren:

- Gastuak eta inbertsioak sailkatzen dituen zerrenda bat, hartzekoduna eta dokumentua, data eta ordainketa datak adierazita.
- Fakturak eta merkataritzako trafiko juridikorako balioa edo eraginkortasun administratiboa duten gainerako agiriak. Agiri horiei erantsiko zaie egindako ordainketak egiaztatzen duen dokumentazioa.
- Berreskuratu edo konpentsatu ezin daitezkeen zeharkako zergak justifikazioaren osagaiak badira, pertsona onuradunak aurkeztu beharko du erantzukizunpeko aitorten bat, zehaztu ahal izateko frogagiritan ageri diren zergetatik zein hartu litezkeen diruz lagundutako gastutzat.
- Diruz lagundutako jarduera finantzatu duten beste sarrera edo diru-laguntzen zerrenda zehaztu bat, zenbatekoa eta jatorria adierazita.

#### **Zazpigarrena: Diru-laguntzen justifikazioa aurkezteko epea.**

Diru-laguntzen justifikazioa aurkezteko epea izango da hilabete bat, jarduera gauzatzeko epea bukatzen denetik kontatuta.

#### **Zortzigarrena: Ordaintzeko prozedura.**

Diru-laguntzaren ordainketa egingo da, oro har, diru-laguntzaren onuradunak justifikazioa aurkeztu eta organo eskudunak onartu ondoren, beti ere jarduerarengatik eskumenak dituen departamentuak aldeko txostena egin ondoren.

Diru-laguntza bi zatitan ordainduko da: lehena organo eskudunaren erabakiaren jakinarazpenarekin batera eta Ogasunarekiko eta Gizarte Segurantzarekiko betebeharrak egunean dituela ziurtatzen duten agiriak aurkeztutakoan, honen zenbatekoa diru-laguntzaren %



TOLOSAKO  
UDALA

75a izango da, eta gainontzeko % 25a, egindako gastua justifikatzen duen kontua aurkeztutakoan, beti ere hurrengo urteko urtarrilaren 31 baino lehen.

Betebeharreko baldintza izango da Tolosako Udalak aurretik emandako diru-laguntzen justifikazio dokumentazio osoa aurkeztu izana, beste diru-laguntza berri batean parte hartu ahal izateko.

Ordainketak Diru-laguntzen Datu Base Nazionalari jakinaraziko zaizkio ordaindu eta hurrengo hilabetea bukatu aurretik.

**Bederatzigarrena: Diruz lagundutako jardueraren publizitatea.**

Entitate onuradunak diruz lagundutako jardueren publikotasuna zabaltzeko neurriak, diruz lagundutako objektuarentzat egoki direnak, dela beren forman, dela beren iraupenean, nola baitira, esaterako, karteletan, plaka oroigarrietan, inprimatutako materialetan, baliabide elektroniko edo ikus-entzunezkoetan Tolosako udalaren irudi instituzionala edo beraren finantzaketa publikoari buruzko legendak sartzea, edo hedabideetan aipamenak egitea, eta hori dena beste finantzaketa-iturri batzuei emandako garrantzia berdinarekin.

Diru-laguntza jasotzen duen erakundeak konpromisoa hartzen du Tolosako Udalak beharrezkotzat eta interesgarritzat jotako gizarte-, hezkuntza-, kultura- eta jolas-ekitaldietara joan eta bertan parte hartzeko.

**Hamargarrena: Euskararen erabilpena.**

Ahozko informazioa (megafonia...) eta idatzizkoa (kartelak, oharrak...) euskaraz edo elebitan egingo dira, eta azken kasu horretan euskarari lehentasuna emanda, Tolosako Udalean eta Udalerrian euskararen erabilera normalizatzeko Udal Ordenantzak xedatzen duen bezala. Euskaraz egingo dira ekintzaren izaerak edo hartzaileen berezitasunek hala eskatzen badute.

**Hamaikagarrena: Genero berdintasuna.**

Diru-laguntzaren onuradunak ezingo dute inolako laguntzarik jaso honako kasuetan:

- Pertsona fisiko edo juridikoak baldin eta beren xede edo helburuak, aukeratzeko edo sartzeko sistema, funtzionamendua, ibilbidea, jarduera, antolamendua edo estatutuak emakumeen eta gizonen aukera-berdintasuneko printzipioaren kontrakoak badira.
- Sexu edota hizkuntza sexista erabiltzen duten pertsona fisiko edo juridikoek.
- Sexuaren ziozko zigor administratibo edo penala jaso duten pertsona fisiko edo juridikoak, ezta Emakumeen eta Gizonen Berdintasunerako 4/2005 Legea dela-eta hala zigortuta daudenak ere.
- Emakumeen eta Gizonen Berdintasunerako 4/2005 Legean edo Emakumeen eta Gizonen berdintasun efektiboari buruzko martxoaren 22ko Lege Organikoan xedatutako obligazioak betetzen ez dituzten entitate edo enpresak.
- Aukeratzeko prozeduran edo funtzionamenduan sexuaren ziozko bereizketaren bat egiten duten elkarteak.

**Hamabigarrena: Jarraipen batzordea.**

Hitzarmen honen testuinguruan, bi aldeek adostu dute Hitzarmen honen jarraipena egiteko batzorde bat eratzea. Batzorde horren funtzioak hauek izango dira: hitzarmena ongi betetzen dela zaintzea, sor daitezkeen zalantzak argiturik; diru-laguntza jaso duten jarduera guztien memoria



TOLOSAKO  
UDALA

eta ustiapen-kontua adostea; hitzarmena betetzen ote den eta zein neurritan betetzen den aztertzea; eta bi aldeen interesekoak izan daitezkeen lankidetzak bide berriak proposatzea.

Tolosako Udalak egoki irizten dituen ikuskapen eta ziurtapenak egiteko ahalmena du, diruz lagundutako elkarteak hartutako konpromisoak betetzen dituela egiaztatzeko helburuarekin.

**Hamahirugarrena: Iraungitzea.**

Hitzarmen hau iraungiko da Sektore Publikoaren Araubide Juridikoaren 40/2015 Legearen 51. artikuluan zehaztutako kasuetan.

**Hamalagarrena: Lan eta zerga legeria.**

Diruz lagundutako elkarteak bete beharko du, bere jarduera gauzatzean, indarrean dagoen legedian ezarritakoa, bereziki zergei, lan-harremanei, Gizarte Segurantzari edo horren aplikaziotik eratortzen den guztiari dagokienean.

**Hamabosgarrena: Izaera administratiboa.**

Hitzarmen honek izaera administratiboa du. Beraz, bere klausulek eta bere kasuan aplikatzekoa den legediak arautzen dute.

**Hamaseigarrena: Erantzukizunpeko adierazpena.**

Tolosako Udalaren eta bere Erakunde Publikoen diru-laguntzen Ordenantza Orokorraren 10.11. artikuluan xedatutakoaren arabera, DLoren 13.2 artikuluan ezarritako onuradun izateko debekuetan erortzen ez delako egiaztapena egingo da notario baten edo funtzionario publiko baten aurreko erantzukizunpeko adierazpen baten bidez.

**Hamazazpigarrena: Gainerako legeria.**

Hitzarmen honetan araututa ez dagoenean, bete beharko da honako lege-arau hauetan xedatutakoa: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Diru-laguntzei buruzkoa eta berau garatzeko Erregelamendua onartzen duen 887/2006 Errege Dekretua, uztailearen 21ekoa; eta Tolosako Udalaren eta bere Erakunde Publikoen diru-laguntzen Ordenantza Orokorra.

**Hemezortzigarrena: Izaera pertsonaleko datuak.**

Izaera pertsonaleko datuak arautzen duen legeriak agintzen duenari jarraituta, bi aldeek konpromiso hartzen dute indarrean dagoen legerian xedatutakoa, aplikatu daitezkeen guztian, betekotasunarekin.

**Hemeretzigarrena: Baimentzea.**

Entitate onuradunak espresuki ematen dio baimena Tolosako Udalari, edozein momentutan eta edozein Administrazio edo Erakunde Publikotatik zuzenean eskura ditzan hitzarmen honen



TOLOSAKO  
UDALA

bitartez eskatutako diru-laguntza lortzeko ezinbesteko baldintzak betetzen direla egiaztatzeko behar diren datuak.

**Hogeigarrena: Gardentasun Ataria.**

Hitzarmenaren testua argitaratuko da Gardentasun atarian eta Udaletxeko Iragarki taulan.

**HIRUGARRENA.** -Iragarkia Diru Laguntzen Publizitate Sistema Nazionalera igortzea.

**LAUGARRENA.** -Diru-laguntza hau Gardentasun atarian argitaratzea.

**BOSGARRENA.** Erabaki honen berri ematea Kultura, Festak eta Gazteriako Departamentuari eta Kontuhartzaitzari.

**4. KONTRATAZIO-ESPEDIENTEA ONARTZEA, TOLOSAKO BEDAIO AUZOAN, FRONTOIAREN ONDOKO KALEA BERRURBANIZATZEKO OBRAK ESLEITZEKO ETA LIZITAZIOARI HASIERA EMATEA.**

Gaia mahai gainean geratu da.

**5. 61/2018 FAKTURA-ZERRENDA.**

Kontuhartzaitzak **61/2018** faktura-zerrenda aurkeztu du. Kopuru osoa da **171.757,83 €**.

Hortaz, zerrenda azterturik, Gobernu Batzar honek, aho batez, eta alkateak emandako ahalmenez baliatuta,

**ERABAKI DU**

**LEHENA.** - **61/2018** faktura-zerrenda onartzea.

**BIGARRENA.** - Onarpenaren berri ematea Kontuhartzaitzari.

**Eta besterik gabe, bilera amaitutzat jo da 09:00etan.**

**ALKATEA**

**IDAZKARIA**